

ipse¹ ventus. Quapropter venerunt ydolatræ suos deos adorantes ut eis ventum prosperum exhiberent, quem illis tamen dare minime potuerunt. Deinde venerunt Sarraceni, et ut etiam ventum haberent multum laboraverunt, et tum illum suis supplicationibus nunquam habere potuerunt. Deinde michi et socio meo preceptum fuit ut orationes ad Deum nostrum fundere deberemus ;² quatenus nobis finaliter exhiberet. Qui si haberi posset nobis honorem maximum exhiberent, et ut alii hoc intelligere non possent, ille rector navis Armorice³ [sic] fuit locutus dicens : Si ventus haberi non posset hæc ossa nos projiciemus in mare. Tunc ego hæc et socius audientes orationes, fecimus ipsi Deo; qui videntes ventum haberi non posse, ad honorem Virginis gloriosæ multas missas promisimus celebrare si ventum possemus nos in aliquo tunc habere. Cum autem ventum nos habere minime poteramus,⁴ tunc accipiens ex ossibus istis unum, ipsum dedi famulo nostro ut iens ad caput⁵ navis ipsum in mare projiceret festinanter. Tunc ipso osse in mari sic projecto, statim ventus ita nobis effectus est prosper, quod nunquam nobis defecit donec accessimus nos ad portum, ad quem meritis istorum fratrum devenimus cum salute.

15. *Idem.*

Cum autem illic in Polumbo fuimus nos ad portum, aliam navim nomine Lonclum⁶ nos ascendimus ut jam dictum est. In Indiam Superiorem nos venimus ad quamdam civitatem Zaiton,⁷ in qua sunt duo loca nostrorum fratrum, ut ibi istas reliquias sanctas poneremus. Nunc autem in ista navi erant bene septingenti,⁸ inter alios homines et mercatores.⁹ Nunc ydolatræ isti hanc consuetudinem in se habent. Nam antequam ipsi applicent ad portum, per totam inquirunt navim ut videant quid esset in ea, maxime si sibi essent ossa mortuorum, quæ si reperirent,¹⁰ illa in mare projicerent ipsi statim, et habentibus illa mortis periculum maximum immineret.¹¹ Cum autem sic requirerent, sed¹² in magna fuerint quantitate, nunquam tum illa invenire in aliquo potuerunt.¹³ Sic autem dante Deo illa ad locum nostrorum fratrum tulimus diligenter, ubi cum honore et reverentia maxima fuerunt posita

¹ *Boll.* necessarius nobis.

² *Boll.* Posthaec mihi et socio meo mandarunt cuncti qui erant in navi dicentes: Vos surgentes adorate Dominum Deum vestrum; si vestris orationibus salutem consequamur honorem vobis maxime impendemus; sin autem, vos cum ossibus istis in pelago submergemus.

³ *For Armenice as in Ven.* and all the others.

⁴ *Boll.* ego clamavi ad Dominum Jesum Christum ut per merita istorum Fratrum dignaretur nostrum desiderium exaudire.

⁵ *Far has apodium navis.*

⁶ *Ven.* Zuncum; *Ut.* Zocum; *Far.* Cocum; *Mus.* Conchum; *Hak.* has omitted the term; as also *Boll.*, *Marc.* Zochi.

⁷ *Ven.* Caytam; *Ut.* Zaytum; *Far.* Caitam; *Mus.* Caychan; *Hak.* Carchan; *Boll.* Sandon; *Ram.* Zailo.

⁸ *Mus.* absurdly has in illa autem navicula erant bene LXX Christiani.

⁹ *Ven.* inter nautas et mercatores.

¹⁰ *Ven.* quod si mortuorum ossa reperta essent, statim, etc.

¹¹ *Ven.* has dicentes habentibus...imminere. *Hak.* Et per hoc bonum portum attingere et mortis periculi evadere crederent.

¹² *Ven.* has licet.

¹³ *Mus.* embellishes, licet...illa frequenter tangerent, semper tamen eorum oculi sic miraculose delusi fuerunt, quod illa minime perpenderunt; *Hak.* has nearly the same; *Boll.* Domino Deo qui absconderat animas eorum in abscondito faciei suæ, ossa eorum ab infidelibus occultante.